



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Elogia Societatis Iesv Sive Propvgnacvlvm: Pontificum,
Conciliorum, Cardinalium, Antistitum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Sanctæ Matri Ecclesiæ Catholicæ Romanæ: Dei Filiæ: Christi Sponsæ:
Magistræ Christianæ Sapientiæ.

urn:nbn:de:hbz:466:1-38486

*Clem. VIII
apud Suar.
Tom. 4. de
de Rel. c. 7.
num. 5.*

Illa multis nominibus tota Tuā est: &
Tecum BRACHIVM DEXTRVM vel à Su-
premo Orbis Oraculo meruit appella-
ri. Tuum etiam hoc Opus est, quia
non pauca, & ea nobilissima Elogia
ex Apostolicæ Tuæ Sedis deprompsit
æratio, & quia Societatis Tuo Capiti
singulari voto deuinētissimæ. Tuum
denique quia Tuorum Pontificum, Car-
dinalium, Antistitum, & ceterorum
Ecclesiastici Ordinis Luminum beni-
gnissimis in Societatem sententijs velut
radijs illustratur. Rationi igitur con-
sonum est, vt Radij ad Solem suum, &
ad Mare Flumina reuertantur. Patere
precor, Parens benignissima huic Ope-
ri non satis exsculpto, Tuum insculpi
præclarissimum Nomen, siue Numinis
Tui tutelam huic obscuro Volumini
velut facem prælucere, in perpetuum
obseruantix erga Te meæ, & Societa-
tis



tis affectus monumentum : Patere Augustissimi Nominis, Tui, quod mali verentur, reuerentur boni, nobilissima inscriptione gloriari Opellam istam. Ad aram ergo tanti Nominis, & Numinis hanc Elogiorum tabellam reuerenter appendo, munus equidem impar Tuæ Maiestati: verum, vt à Socrate obseruatum est, Dijs ipsis minimo impendio litandum, quod Dij, vt hominum non egent rebus, ita magis expectant immolantium affectum, quàm diuitias, & apparatus.

Accedit ad hanc alia dedicandi Tibi huius Libelli ratio Cæli, solique Domina, maternus scilicet amor, quo totam Societatem amplecteris, non verbis tantum, sed continuis prope beneficijs comprobatus: *Accurrite, tanquam* ^{Pius IV.} *fily ad Patrem*, dicebat aliquando summus Pastor: & iterum, *Nos erimus vester*

ster Protector. Optat ergo impenetrabili
Tui Nominis clypeo hic Liber se tegi
ac protegi: Tu enim Regina illa es ad
cælestis Regis adstans dexteram in ve-
stitu deaurato, in cuius brachijs inest
Scutum nostrum IESVS, Dei Filius,
qui datus est nobis inimicorum terro-
ri, & in protectionis asylum. Audax
equidem est huius Libri argumentum,
& liuentis inuidiæ morsibus imprimis
obnoxium: ideo illum tam multis Tibi
nominibus debitum, Tuo Tibi iure,
non dico, sed soluo; non dono, sed red-
do, vt Tuo tectus patrocínio, aculea-
tos liuidorum dentes facile contundat.
In quo æmulari mihi videor celeberrí-
mum illud Regis facinus, qui Thebano
illi immensæ molis Obelisco suum ap-
pendit filium, alligauit cacumini, quo
tutius eum erigeret, & factum tectum-
que à ruinæ periculo præseruaret, nisi
quod

*Plin. Nat.
Hist. lib.
36. cap. 4.*

quod Ego hunc meum foetum præstantiori alligo Pyramidi, non vt Pyramidem tueatur, sed vt ab ea defendatur potius, & vt tantæ reuerentia Maiestatis sit ab omni periculo tutus, & à zoilorum dente securus. Erit sane Liber iste, Augustissima Mater, sub Tuo patrocinio ab hostibus Liber: sub Tuo splendore splendidus: sub Tuæ lucis umbra prodire audet in lucem: sub hoc tecto imbrem non horret: sub hoc clypeo tela non timet.

Quamobrem alij opima spolia, fructus purpureos ferent, Ego vero ad Tuorum pedum marginem hos Elogiorum flores appendo, tributario potius affectu, quàm censu. Sequor in India degens Indorum veterum urbana vestigia, qui odoriferis calathos onerabant spolijs, vt suorum Dynastarum pedes, si non ambitiosis, floridis tamen

b

coro-

coronarent tributis. In Orbis theatro
tanquam fertis redimita exultat IESV So-
cietas hisce Elogiorum floribus : quos
ex Hibleis eruditionis campis, & The-
saliæ redolentibus hortis, ex lætissimo,
inquam, latissimoque sapientum Viri-
dario vigilans decerpfit studium: cui il-
los in amoris, & reuerentiæ tesseram, nisi
Tibi persoluerem, quæ habes in pace li-
lia, in bello rosas? Cui nisi Tuo firmati
consecrarem? vt & fimbria aureis cir-
cumamicta scutulis florum amœnitate
præstaret, qui velut in Aaronico furcu-
lo in eius vimine germinarunt, & lætis
calicibus imbres roscidos hauriunt.

*Lira f.
Pf. 44. 10.*

*S. Max.
bc. 2. de
Cruce.*

Tibi ergo mortalium æquè, ac im-
mortalium REGINÆ, & his verborum
flosculis velut in stemmate dico Lauros,
Palmas, Triumphos. REGIÆ NAVI au-
rea prora decumanum salum scindentis,
Acies, ac Validos Remiges defero, vt
spu-

spumantis dorsi rabie compressa velis
toto hausto zephiro tumentibus, por-
tum teneat coronata trophæis: Muni-
tissimæ **ARCI** ex solido substructæ au-
ro Aureos Clypeos innecto, qui & vm-
bone pennata spicula retundent in pe-
ctora, & radianti gemma celsum Capi-
tolium coronent: **IRIDI** post Noëticum
chaos in bellum antidoto, Colorum
promo varietatem omnigenam, vt ar-
cuatus inter nebulas gloriæ, tempesta-
tes sedet, cedat caliginosam nubium
audaciam. **PARADISO** reddo florida
dona vt luxuriet, & Cherubicos Gla-
dios, vt terreat, venenatosque ausus
flammeis linguis abstergat, deturbet,
dissipet. Alto Libano Altos Cedros
inifero comis vernantes, & latis Capi-
tibus sese armatas inferentes in cælum.
AQVILÆ Solis rota suspensæ Plumas
defero, quibus tranato aëre æthera radit,

*S. Amb.
ser. 5. in
Psal. 18.*

*Alcaz. in
Apoc. 4. 3.*

*S. Aug. de
gen. ad
lit. l. 12.
c. 34.*

*Orig. f.
Ezech. ho.
11.*

*Lauvel.
Syl. alleg.
v. Aquila.*

*S. Greg.
lib. 32.
mor. c. 14.*

*Bucher.
Villalp. in
Ezech. 10.
2. p. 2. l. 1.
c. 10.*

*Cornel. in
Cant. 4. 4.*

*S. Aug. in
Ioan. 17. 30
Christer. in
Cant. 4.
11. 3.*

*S. Amb.
ser. 2. in
Pf. 118.
v. 6.
Gloss. Ord.
B. Reg. 10.*

ardentiorisque Planetæ illicio suspensa
totis oculis in radiorum campo depasci-
tur. CÆLVM cingo Zodiaco, quot
Apostolicis Ducibus, tot Planetis inte-
xtum, qui facibus per Orbis ambitum
iaculatis fouent messium campos lætifi-
simis. SOLIMÆO MIRACVLO fero
Lembos aurigeros ex vtriusque Indiæ
fodinis fulgido onustos metallo, gem-
mis graues, & vt in laquearibus luceant
Sydera, & in parietibus Solis radios se
exonerent. Quid plura? Tibi TVRRI
Fortissimæ diuini Nomine coronata
Mœnia onusta Victorijs. VITI fœ-
cundissimæ Frugiferos Palmites per to-
tum terrarum Orbem expansos: FONTI
Aquæ viuę Riuos crystalla luce puriora
laxantes per prata: OCEANO quam ple-
na Fluenta gemmis gratiarum: CVRRVI
Diuinæ Gloriæ ocellatas, ac volubiles
Rotas: Salomonico THRONO auro,
&

& argento charitatis inerrantes Colum-
 nas: Immobili Veritatis CENTRO mobi- *Cornel.*
 les Lineas toto pondere ad omnem Or- *Cant. 7. 2.*
 bis partem sese librantes: MVRO Fortif- *S. Amb. 1. 6*
 simo Argentea Propugnacula: IACOBEÆ *exam. c. 8.*
 SCALÆ ascendentes, & descendentes An- *Perer. Gen.*
 gelos: Fœderis ARCÆ: Spiritus Cheru- *28. disp. 4.*
 bicos: NOETICÆ inter cœnosam Hæreti- *Dam. ser. de*
 corum alluionem OLIVÆ Surculum *inu. Cruc.*
 pacis trophæum deferentes Columbas: *Orig. s.*
 Propositionis MENSÆ immensos cœle- *gen. hom. 2.*
 stis synaxeos Dispensatores propono *ap. Lauret.*
 fidelissimos: CANDELABRO ex auro ela- *Idem s.*
 borato purissimo scintillantes Lucernas: *leuit. ho. 13*
 ÆNEO MARI flammeos Leones, quo- *Ibid.*
 rum humeris nitidissima virtutum om- *Cyr. Alex.*
 nium specula (non spicula) enitantur: *in Zacij.*
 CIVITATI SOLIS Pennatos Radios vitæ *44.*
 medicamenta stillantes: NVBI cœlesti, *Villalp. in*
 & Fulgura errantia, & lituorum more *Ezech. 10. 2*
 explosa Tonitrua, quibus Hæreseos *l. 5. c. 33.*
 b 3 Arces

Arces funditus euersæ cinerescant. VI-
TÆ LIGNO Viridantia Folia offero ad sa-
nitatem Gentium: Triumphali PALMÆ
Victrices Ramos: Bellatrici DEBBORÆ
Strenuos Barachos, Malleos, ac Cla-
uos contra Stygium Sisaram, & asseclas:
Veritatis FIRMAMENTO fixas, non erran-
tes Stellæ: SACRÆ PALLADI Martis, ac
Mortis horrores, Arma contra perfidos
cuneos semper inuicta. Castæ DIA-
NÆ Volantes Sagittas: Doctæ MINERVÆ
scientiarum Scrinia. Demum Tibi MA-
TRI benignissimæ obseruantissimam Fi-
liam reddo Societatem non quidem
meo Calamo depictam, sed totius Or-
bis communi plausu miris laudum Or-
namentis decoratam, & in superbiam
sæculorum præfulgidam; vt eius tro-
phæis (toto hoc Opere conglobatis)
gloriosa triumphes, & si quid in eo
obscurum latet, sereno clarescens vul-
tu,

*Christ.
Cant. 5. 1.
n. 3.*

*Vieg. Apoc.
2. tom. 1.
sect. 5.*

*1. ad Tim.
3. 15.*

*Magall.
Iudit. 4.
n. 127.*

*S. Dam.
ser. 1. de
S. Ioan.
Euang.*

2001/A

ed

tu,

tu, id omne prorsus elimines, foueas,
ac faueas.

Cætera quæ Tua Tibi facta, non
fata dedere Magna Mater, quæ Te fe-
licissimam prædicant alter penicillus
depingat, non Ego sum satis ad tantæ
præconia laudis. Quare iam vela con-
traho Bellatrix egregia, Regina Cæli,
Domina Gentium, Urbis, & Orbis
Lumen, Veritatis Columnen, Hæreti-
corum Fulmen, Christianorum Fla-
men; quis Tuarum laudum Oceanum
breui orationis huius concha conclu-
dat? Quis Tuam pulchritudinem in
Sacro suo Epithalamio à Salomone tot
symbolis decantatam in compendium
redigat? & candidas in Oculis Colum-
bas, in Genis purpuram, in Labijs Coc-
cinum, in Collo Turrim, in Pedibus
elegantiam, in Capite demum Car-
meli gloriam, qua decet maiestate de-
scribat?

scribat ? Quis Antiquitatem, Nobilitatem Tuam vel Regis Regum sanguine purpuratam calamus perstringat ? Plura quid aggerem ? Nisi forte ad Maris fluctus vndas, ad syluam ligna deferam, ad Solem radios congloberem. Ideo hic sisto pedem ad sacros Tuos Pedes prouolutus.

E G O

SERVVS TVVS,

E T

Filius Ancillæ Tuæ
Minimæ Societatis.

AD